

Iwwer die Bärn

Om letzte Sunndaach hawwe merr bei uns uff de Terrass gesetze, hawwe Kaffee getrunke, Erdbeerkuche gesse unn iwwer alles Meechliche geschwätzt. Uff oomol erzählt die Paula, dass sie unn de Karl mett ihm Enkel nooch Fronkfort ins Senckebersch-Museum fahrn wolle, der Bub hätt nor noch Dinos im Kopp unn doo woldesem halt emol die Gerippe von dene Viecher zeiche.

Intressont mett dene Dinos, habb ich gesacht, doo habb ich doch deetzt gelese, dass die fast 160 Millione Johr uff de Erd erummegmacht hawwe. Stellt eich emol vor, 160 Millione Johr nor Dinos unn koon oone Mensch, merr konns nit glaawe.

Dess Kättche guckt mich von de Seit oo. Honnes, du willst uns doch doodemett nit enn Bär uffbinne?

Doch noch bevor ich „naa“ saache konnt, rieft de Schorsch: Ei weil merrs grad vom Bär hawwe - was halt ihr dann von dem Bär, der in de Alwe erummacht, konn merr doo iwwerhaupt noch hiefahrn? Nit dass merr von so emm Dier gefresse werdd.

Also, moont die Paula, so emm Bär will ich werklich nit begeechene. Was mache merr dann, Karl, wir wolle doch im Herbst nooch Bodenmais fahrn. Solle merrs losse?

Ach was, sacht de Karl, der Bär von dem doo in de Zeidunge ze lese iss, derr iss doch weit fort, der dut uns nix.

De Schorsch wackelt mettem Kopp. Merr waaß nit, wo dess Dier herkimmt, unn wenn ooner kimmt, dann dauerts nit long unn ess kumme noch mehr. Unn weil die Bärn vill Platz brauche isses schunn emol meechlich, dass aach in de Bayrische Wald kumme.

De Karl war e bisje noochdenklich. Honnes, du machst doch alls in Kanada erum, doo gibts doch enn Haufe Bärn. Dess det mich schunn emol intressiern, was merr mache soll, wenn so enn Bär oom iwwer de Weech laafe dut.

Also, habb ich gesacht, om Beste iss halt, wenn merr so emm Bär nit begeechent.

Unn, frächt de Schorsch, was macht merr, dass oom de Bär nit begeechent?

Ich saach: Merr macht sich bemerkbar, indem merr alls mettennonner babbelt, weil dess heert der Bär von weidem unn macht sich fort, der will koon Krach mett de Mensche.

Konn merr aach singe?, frächt de Karl.

Du konnst aach singe, gebb ich zur Antwort.

Doo sacht dess Kättche: Ich habb emol geheert, merr kennt sich aach e Glöckche on de Rucksack binne, dess klingelt alls beim Laafe unn det doodemett die Bärn vertreiwe.

Ja, habb ich gesacht, dess habb ich aach emol gemacht. Unn dann iss merr midde im Wald enn Kerl entgeeche kumme, enn Deutsche, unn der frächt mich: Warum machst du denn so einen Krach in der Natur?

Ich saach: Ei weeche de Bärn!

Der Monn hott genickt: Gut so. Unn wenn du jetzt auf dem Fußweg einen großen Kothaufen liegen siehst - weißt du, ob der von einem Elch oder von einem Bären ist?

Unn als ich de Kopp geschittelt habb, sacht der Waldläufer: Nein? Dann nimmst du einen Stock und rührst darin.

Ich frooch: Unn dann?

Der Mensch grinst: Ganz einfach: Wenn du in der Hinterlassenschaft ein Glöckchen findest, dann ist sie von einem Bären.

Eiern Honnes